

Laerskool Villieria

Telefoon: 012 331 1100
E-pos: villiesskool@icon.co.za
Webwerf: www.laerskoolvillieria.co.za



Ben Swartstraat 1032
Villieria
Pretoria
0186

24 Oktober 2025

Geagte ouers/voogde

NUUSBRIEF 36/2025

NUWE-/BELANGRIKE BOODSKAPPE

SKOOLGELD 2026

Tydens gisteraand se Begrotingsvergadering, is die voorgestelde begroting vir 2026 goedgekeur en aanvaar deur die ouers bygewoon.

Die volgende skoolgeldbedrae is van toepassing vir 2026:

• Skoolgeld (Graad R)

- ✓ 1 Kind R 1 420.00 p/m (Januarie – November)
- ✓ Vir die jaar R15 620.00 (R1 420.00 x 11 mnde)

• Skoolgeld (Graad 1 – 7)

- ✓ 1 Kind R 1 320.00 p/m (Januarie – November)
- ✓ Vir die jaar R14 520.00 (R1 320.00 x 11 mnde)
- ✓ 2 Kinders+ R 2 640.00 p/m (Januarie – November)
- ✓ Vir die jaar R29 040.00 (R2 640.00 x 11 mnde)

• Naskool (Graad R – 7)

- ✓ 1 Kind R 750.00 p/m (Januarie – November)
- ✓ Vir die jaar R8 250.00 (R750.00 x 11 mnde)

LAERSKOOL VILLIERIA JAARAFSLUITING (HOENDER SPITBRAAI)

Op Vrydag, 21 November 2025 hou ons 2025 se jaarafsluiting hier by die skool. Terselfdertyd vier ons ook die aanstelling van ons nuwe hoof, meneer Jaco Grobler.

Daar gaan hoenders in die spit gebraai word vir u teen R160 per hoender. Die hoenders is “free range” en weeg tussen 1 kg – 1,3 kg elk.

Indien u iets anders wil braai en nie ‘n hoender op die spit wil hê nie, is u steeds welkom om u eie vleis te bring en hier te braai en die samesyn te geniet. Meer inligting sal nader aan die tyd deurgegee word.

‘n Google vorm sal binnekort aan u gestuur word vir getalle doeleindes.

OORPLASINGSKAARTE (Graad R – 6)

Indien u tans ‘n kind in graad R tot 6 het wat einde van die jaar Laerskool Villieria gaan verlaat en nie terugkom in 2026 nie, vra ons dat u dringend ‘n e-pos stuur aan die skool waarin die volgende inligting verskyn – u kind(ers) se naam, van en graad, na watter skool u kind(ers) oorgeplaas word en die rede vir die oorplasing. Hierdie inligting moet op die oorplasingskaart verskyn wat u by die volgende skool moet inhandig. Die oorplasingskaart word saam met die rapporte aan die kinders uitgedeel. Graad 7-ouers moet asseblief nie vir ons ‘n e-pos stuur vir die hoërskool nie.

SATERDAG, 1 NOVEMBER 2025

• **Graad R tot 7 (2026) – Skoolklere pasdag (Villies KlereHub)**

Villies KlereHub bied 'n pasdag aan waar u kind(ers) hul skoolklere en Villiesdrag vir volgende jaar kan kom aanpas en u 'n bestelling plaas teen 2025 se pryse. (Graad R-leerders van 2026 koop wel net Villiesdrag en nie skoolklere nie). Enige bestelling of aankope in 2026, gaan die 10% verhoging betaal vir die nuwe pryse wat volgende jaar in werking tree.

As u nou bestel, sal u die voorraad ontvang voor jaareinde. U betaal wanneer u die voorraad ontvang. U kan wel nie nou bestel en eers volgende jaar betaal nie. Dan gaan u ongelukkig 2026 se nuwe pryse moet betaal.

❖ **Inligting vir die pasdag is as volg:**

- ✓ Datum: Saterdag, 1 November 2025
- ✓ Tyd: 8:00 – 13:00
- ✓ Plek: Laerskool Villieria (Villies KlereHub)
- ✓ Ingang en parkering: Motorhek in 30ste Laan. Parkering op grasperk in 30ste Laan.

Indien u nie bogenoemde datum kan bywoon nie, kan u steeds die KlereHub besoek tydens die normale ure 7:00 – 9:00 (Maandae – Vrydae).

• **Graad R- tot 3-skryfbehoeftepakette (2026)**

Skryfbehoeftepakette van 2026 vir graad R- tot 3-leerders sal terselfdertyd beskikbaar wees vir aankope. Die pakette bevat al die skryfbehoeftes wat u kind vir die jaar gaan nodig hê.

Skryfbehoeftelyste is ongelukkig nie beskikbaar vir graad R- tot 3-leerders nie.

❖ **Pryse vir die skryfbehoeftepakette:**

- ✓ Graad R R500
- ✓ Graad 1 R500
- ✓ Graad 2 R350
- ✓ Graad 3 R450

❖ **Inligting vir die aankoop van die skryfbehoeftepakette is as volg:**

- ✓ Datum: Saterdag, 1 November 2025
- ✓ Tyd: 8:00 – 13:00
- ✓ Plek: Laerskool Villieria skoolkantoor
- ✓ Ingang en parkering: Motorhek in 30ste Laan. Parkering op grasperk in 30ste Laan.

Indien u nie bogenoemde datum kan bywoon nie, kan u steeds die skoolkantoor besoek Maandae – Vrydae.

Neem wel kennis van die tye vir aankope gedurende die week by die skoolkantoor. Ons vra vriendelik dat u slegs by ondergenoemde tye hou wat skryfbehoeftes-aankope betref.

- ✓ Maandae tot Donderdae 07:00 – 09:00
13:00 – 14:00
- ✓ Vrydae 07:00 – 09:00

Let wel: Graad 4- tot 7-skryfbehoeftelyste sal op 'n latere stadium op ons webblad beskikbaar wees.

GRAAD 1-AANLYNREGISTRASIE 2026

- ✓ Soos reeds genoem het die Departement van Onderwys se sms-proses reeds Donderdag, 16 Oktober 2025 begin en duur tot Vrydag, 31 Oktober 2025 (23:59).
- ✓ U kan enige dag gedurende hierdie tyd 'n sms vanaf die Departement van Onderwys ontvang rakende die plasing van u kind.

- ✓ Wanneer u by slegs een skool aansoek gedoen het, behoort die sms te sê u kind is suksesvol geplaas by die spesifieke skool en dat u geen verdere aksie hoef te neem nie. *Neem kennis dat u dan geen verdere aksie hoef te neem nie.*
- ✓ Wanneer u by meer as een skool aansoek gedoen het, moet u asseblief na die sms spoedig weer inteken op die Departement van Onderwys se aanlyn webwerf waar u, u kind registreer het en Laerskool Villieria se plasing aanvaar. U het SLEGS ses dae na die ontvangs van u sms, om die plasing te aanvaar op hul stelsel.
- ✓ Indien u nou nog nie 'n sms ontvang het nie, gaan asseblief elke dag een keer in op die Departement se webtuiste om dop te hou.
- ✓ Indien u na Vrydag, 31 Oktober 2025 nog nie 'n sms vanaf die Departement ontvang het nie, kan u die skool kontak.

FONDSINSAMELINGSPROJEK

• **Blits (Firelighters)**

Ons vra u vriendelik dat u sal voortgaan met bemark en verkoop van die “firelighters.” Sodoende ondersteun u ons fondsinsamelingsprojek wat dan ons leerders bevoordeel op verskeie gebiede.

Die volgende uitdeeldatum sal aan u gekommunikeer word.



GRAAD 3-UITSTAPPIE

Ons graad 3-leerders besoek Montecasino Voëlpark op Vrydag, 31 Oktober 2025. Graad 3-leerders het reeds briewe ontvang.

2026-VILLIES DAGBOEK ADVERTENSIES

Die tyd is nou oop om aansoek te doen vir ons 2026-Villies Dagboek advertensies. Spasie is beperk, so spring vinnig om in kontak te kom met die betrokke persoon. Sien advertensie op bladsy 10 van hierdie Nuusbrief vir verdere inligting.

KULTUUR

• **Talentaand (Graad 1 – 7)**

❖ Oudisies:

- ✓ Maandag, 27 Oktober 2025
- ✓ Woensdag, 29 Oktober 2025

(Leerders wat dalk van musiek gebruik maak, moet hul musiek op 'n “USB-stick” vir juffrou Roelandi Winters bring voor of op Maandag, 27 Oktober 2025).

• **Koor**

❖ Oefentye vir die komende week:

- ✓ Maandag 13:45 – 15:15
- ✓ Woensdag Geen oefening

❖ Optredes:

- ✓ 30 Oktober 2025 Laerskool Totiusdal
- ✓ 31 Oktober 2025 Laerskool Totiusdal

• **Revue**

❖ Junior revue (Graad 1 – 2):

Oudisies vir die junior revue vind plaas vir ons huidige graad 1- en 2-leerders op Maandag, 10 November 2025 en Woensdag, 12 November 2025 (13:45 – 15:15).

❖ Senior revue (Graad 3 – 6):

Oudisies vir die senior revue vind plaas vir ons huidige graad 3- tot 6-leerders op Maandag, 3 November 2025 en Woensdag, 5 November 2025 (13:45 – 15:15).

SPORT• **Rugby**➤ **7's (o/11- en o/12-seuns)**❖ Toernooie:

✓ 01 November 2025 Anton van Wouw o/11 en o/12

❖ Toer:

✓ 24 – 26 Oktober 2025 Zwartkloof o/11 en o/12

(Alle spelers het reeds inligting rakende die toer ontvang).

➤ **o/9-Oorbrugging (2026)**

Alle belangstellende o/8-seuns wat 2026 wil rugby speel, word hartlik uitgenooi na die oorbruggingsoefeninge.

Tydens die oorbrugging word daar gefokus op hantering en kontakvertrouheid. Geen formele spanne word nou gekies nie.

❖ Oefentye vir die komende week:

✓ Dinsdag 14:00 – 15:00

✓ Donderdag 14:00 – 15:00

❖ Opkomende toernooie:

✓ 8 November 2025 Laerskool Tygerpoort

✓ 14 November 2025 Laerskool Lynnwood

FOTO'S• **Kersfoto's (Graad R- tot 7-leerders)**

Alle Kersfoto's se gelde moet asseblief inbetaal wees voor of op Maandag, 27 Oktober 2025. Ons vra dat u die korrekte bedrag in die koevert sal plaas, aangesien ons nie koeverte oopmaak vir kleingeld nie. Koeverte word direk aan die fotograaf oorhandig.

**AKADEMIE (Graad 4 – 7)**

Onderstaande is die formele toetsrooster van kwartaal 4 (2025).

DATUM	GRAAD 4 – 6	GRAAD 7
Woensdag, 5 Nov.	Afr.	SW: Gesk.
Donderdag, 6 Nov.	GEEN	Wisk. 1
Vrydag, 7 Nov.	GEEN	CAMINO
Maandag, 10 Nov.	SW: Geo.	NW
Dinsdag, 11 Nov.	GEEN	Afr.
Woensdag, 12 Nov.	Eng.	Teg.
Donderdag, 13 Nov.	GEEN	Eng.
Vrydag, 14 Nov.	SW: Gesk.	Wisk. 2
Maandag, 17 Nov.	Wisk.	Vis. Kuns & Musiek
Dinsdag, 18 Nov.	GEEN	SW: Geo.
Woensdag, 19 Nov.	NW/Teg.	EBW
Donderdag, 20 Nov.	GEEN	GEEN
Vrydag, 21 Nov.	PSW	Lewensoriëntering

❖ Eksamenreëls:

- ✓ Neem asseblief kennis dat SLEGS 'n amptelike doktersbrief vir afwesighede tydens die eksamen aanvaar sal word.
- ✓ Volgens die Departement van Onderwys se vereistes sal 'n punt van "0" gegee word indien reëls nie nagekom word nie.
- ✓ Geen leerder word verskoon om vroeër huis toe te gaan nie.
- ✓ Ouers móét die skool voor 8:00 in kennis stel indien 'n kind afwesig sal wees op die dag wat 'n eksamenvraestel geskryf moet word.
- ✓ Leersessie: 7:30 – 8:45
- ✓ Skryfsessie: 9:00 – 11:00
- ✓ Skool verdaag: 13:00

HERHALENDE BOODSKAPPE

VILLIES GEBEDSGROEPE

• **Manne-gebedsgroep**

Ons nooi elke pa, oupa, oom en voog van Laerskool Villieria om saam met ons te kom bid vir Laerskool Villieria se personeel, ouers, kinders en gemeenskap op Dinsdagoggende (6:45 – 07:15) by Christlife Ministry kerk reg langs die skool in 30ste Laan. *Jy hoef nie spesifiek 'n lidmaat van Christlife kerk te wees nie.* Kom net soos jy is. Al wat dit vat is 'n gehoorsame hart. Vul asseblief hierdie skakel in as jy graag wil deel raak van hierdie groep:

<https://forms.gle/izs5BaVREXmeX6yLA>

• **Dames-gebedsgroep**

"Villies-Ouers-Wat-Bid" nooi elke ouer om saam met ons te kom bid.

- ✓ Elke Maandag- en Donderdagoggend (7:15 – 7:45).
- ✓ Om by die gebeds-whatsappgroep aan te sluit, volg hierdie skakel:

<https://chat.whatsapp.com/Drxh2JX2GMXA4z1Z2ieXcq>



GRAAD 7-CAMINO 2025

Ons is opgewonde om te kan deel dat daar weer vanjaar 'n Pelgrimstog vir die graad 7-leerders op Vrydag, 7 November 2025 sal plaasvind. U word hartlik uitgenooi om die Pelgrimstog saam met u graad 7-kind te kom stap. Neem asseblief kennis dat dit gedurende skooltyd sal plaasvind vanaf ongeveer 8:00 – 12:30.

➤ **Die ouers/voogde wat reeds aangedui het dat hul die Pelgrimstog saam met hul kinders gaan meemaak, moet van die volgende kennis neem:**

- ✓ Parkering sal op sportveld B beskikbaar wees (Ingang in 30ste Laan – sportveld).
- ✓ Nadat u parkeer het, beweeg u na die pawiljoen waar u, u sitplek inneem en vir u kind wag.
- ✓ Ons gaan die leerders vanaf 8:30 een vir een laat verdaag om die roete IN STILTE te stap.
- ✓ Bring asseblief 'n hoed saam vir die son, of 'n sambreel sou dit reën.
- ✓ Na afloop van die Pelgrimstog, is u welkom om u kind huis toe te neem (uitgang kerkhek by 30ste Laan), of u kan 'n koffie geniet by die sirkels saam met u kind.
- ✓ Daar sal wel toesig wees tot en met 13:30 vir leerders wie nie kan huis toe gaan nie.
- ✓ Die leerders kom met Villiesdrag en slegs 'n kleinerige rugsak met skryfbehoeftes, 'n kosblik en hul Bybel skool toe.
- ✓ Die skool begin gewone tyd om 7:30.
- ✓ Die vier klasse word in twee sessies verdeel. Ouers/voogde, let asseblief op die tye wat u by die skool moet wees.

➤ **Tye:**

- ✓ Sessie 1 (8:30 – 9:30)
Graad 7V en 7I. Ouers/Voogde moet reeds om 8:15 by die pawiljoen aanmeld.
- ✓ Sessie 2 (10:30 – 11:30)
Graad 7L en 7E. Ouers/Voogde moet reeds om 10:15 by die pawiljoen aanmeld.

OUERTOEGANG TOT DIE SKOOLTERREIN

Ons vra weer vriendelik vir ouers/voogde se samewerking in hierdie verband ter wille van ons leerders se veiligheid. Toegang kan SLEGS verkry word deur aan te meld by die kantoorhekkie in Ben Swartstraat. Geen persoon sal toegelaat word om die skoolterrein te betree by enige ander ingang nie. Ingang by die kantoorhek is beskikbaar Maandae – Donderdae (07:00 – 14:15) en Vrydae (07:00 – 13:45).

BROODJIEPROJEK

Ouers/Voogde wie se kinders tans deel is van ons skool se Broodjieprojek en wéér volgende jaar deel daarvan gaan wees, moet asseblief vir juffrou Karina Otten skriftelik ter verduideliking (rede) in kennis stel daarvan. Dui asseblief ook aan in watter graad en klas u kind tans is. E-posse in hierdie verband kan gestuur word na karinaotten@laerskoolvillieria.co.za. Onthou asseblief dat ons projek slegs vir leerders is wie se ouerhuise dit regtig nie kan bekostig om vir hul kind(ers) 'n broodjie in te pak vir pouse nie.

SPORT

• **Villies Netbalakademie**

Ons is baie opgewonde om Laerskool Villieria se eerste Netbal Akademie bekend te stel. “Goal Line Sports” sal in beheer wees en u is baie welkom om vir me. Joy van Zyl te kontak by 0832927330.

❖ Voorlopige oefentye:

✓ Vrydae	Graad 3 – 4	13:45 – 14:45
	Graad 5 – 6	14:45 – 15:45

• **Krieket**

➤ **Seuns (o/8 – o/13)**

Belangrike Kennisgewing: Verandering in Krieketakademie

Ons wil graag alle ouers inlig dat die “Pitch Smashers Cricket Academy” nie meer by ons skool werksaam is nie. Ons verwelkom met opgewondenheid die “Xstreme Xcellence Cricket Academy” as ons nuwe vennoot in krieketontwikkeling.

Alle toekomstige betalings en kommunikasie rakende krieketaktiwiteite moet nou aan “Xstreme Xcellence Cricket Academy” gerig word.

E-pos: xxc.villies@gmail.com

Kontaknommer: 076 151 3153

• **Hekkies / Naellope (Afrigting)**

Kontak asseblief mevrou Myrtle Grobler by 082 820 1989 vir navrae en meer inligting rakende hekkies en naellope. Afrigting/oefening vind plaas by Hoërskool Oos-Moot.

MERK VAN SKOOLKLERE

Ons doen weer 'n baie ernstige beroep op u as ouer/voog om seker te maak u kind(ers) se klere is DUIDELIK gemerk met u kind se naam en van en dat dit DUIDELIK gemerk bly na paar kere deur die was. Maak seker u kind(ers) verstaan die erns van die saak om hul klere en besittings baie mooi op te pas. Hier is te veel verlore klere en goedere weekliks.

BALKIES

Die pryse van alle balkies wat deur die leerders aangekoop word, is nou R50 per balkie en nie meer R30 nie. Ons moes ongelukkig die prys verhoog om aan te pas by die nuwe aankoopprys.

GRAAD R (2026)

Ons doen 'n beroep op ons huidige ouers/voogde wat ook kinders in groter grade het, wie 'n graad R-kind wil inskryf by ons volgende jaar, om baie spoedig hul aansoekvorms in te gee by ons kantoor.

VERDAAGTYE

Graad R- tot 7-leerders se verdaagtye (Maandae tot Vrydae) is as volg:

- ✓ Graad R – 2 13:00
- ✓ Graad 3 – 7 13:30

(Indien daar 'n verandering aan 'n spesieke dag se verdaagtyd is, sal dit vroegtydig aan u deurgegee word).

LAATKOM VAN LEERDERS

Ons doen 'n vriendelike beroep op alle ouers/voogde om toe te sien dat alle leerders soggens betyds aanmeld by die skool. Die skooldag begin stiptelik 7:28 en dit is belangrik dat alle leerders teen daardie tyd gereed is vir die dag se onderrig.

Wanneer leerders laatkom, mis hulle waardevolle onderrigtyd en ontwrig dit ook die vloei van die onderrig wat reeds begin het vir hul mede-leerders. Deur betyds te wees, help u om goeie roetine en verantwoordelikheid by u kind(ers) te kweek.

Ons waardeer u samewerking en ondersteuning om te verseker dat elke leerder die beste moontlike geleentheid tot sukses het.

LAERSKOOL VILLIERIA FACEBOOKBLAD

Toegang tot Laerskool Villieria se Facebookblad is SLEGS vir huidige ouers/voogde van ons skool bedoel. Indien u 'n Facebook "request" op Facebook stuur, maak seker u beantwoord alle vrae volledig asook u kind(ers) se volle naam en van.

ONDERRIGGELD

Ek spreek my opregte waardering uit vir u voortdurende ondersteuning aan Laerskool Villieria en vir die waardevolle rol wat u speel in u kind se opvoeding.

Ek wil u ook vriendelik daaraan herinner dat u getroue betaling van skoolgeld 'n belangrike rol speel in die suksesvolle funksionering van u kind se skool. Skoolgeld maak dit moontlik om onder andere:

- ✓ Kwaliteit onderrigmateriaal aan te skaf;
- ✓ Skoolgeboue en fasiliteite in stand te hou;
- ✓ Ekstra-klasse en aktiwiteite aan te bied; en
- ✓ Ons opvoeders te ondersteun in hul onbaatsugtige werk.

PARKERING

- **Aflaai- en optel van leerders**

Ons vra asseblief vriendelik dat u alle padgebruikers, mede-ouers en leerders in ag sal neem tydens af- en oplaai van u kind(ers). Kom ons werk saam as skoolgemeenskap om sover moontlik nie die verkeersvloei rondom die skool te vertraag nie.

- **Omliggende inwoners**

As waarnemende hoof van Laerskool Villieria, vra ek asseblief elke ouer/voog se volgehoue samewerking met die volgende. Ek het verskeie klagtes ontvang vanaf omliggende inwoners rakende ouers/voogde wat parkering aanbetref tydens af- en oplaai van leerders voor- en na skool, asook tydens byeenkomste en geleenthede by die skool.

Kan ek van u vra om asseblief nie voor- of gedeeltelik voor mense se ingangshekke te parkeer nie. Mense wat dringend in- en uit hul erf moet ry, word dan verhinder om dit te doen of bemoeilik. Indien 'n inwoner u vra om u voertuig te verwyder vanaf hul eiendom, respekteer dit asseblief en stop elders. Die skool streef nog altyd na 'n goeie gesindheid teenoor ons inwoners.

LEERDERS – SELFONE EN SELFOONHORLOSIES

Ons herinner alle ouers/voogde en leerders aan die selfoonreël soos vervat in die Gedragskode en Dissiplinêre Beleid in u kind(ers) se Villies-Dagboek. Ons vra ernstig dat u seker maak u kind(ers) is bewus hiervan aangesien daar gevalle kop uitsteek waar die reëls oortree word.

GEEN selfone of selfoonverwante produkte mag gedurende enige tyd van die skooldag aangeskakel wees of gebruik word nie, wat beteken geen oproepe of boodskappe mag ontvang of gemaak/gestuur word na of vanaf u kind se selfoon nie. Enige kind wat die reëls oortree, se selfoon of selfoonverwante produk sal onmiddelik gekonfiskeer word.

Ons vra u weer vriendelik om hieraan aandag te gee en die erns van die saak onder u kind se aandag te bring.

VILLIES-KLEREHUB

Die Villies-klerehub voorsien jou kind 100% van sy/haar skooldrag en Villiesdrag. Ondersteun ons winkel, so maak ons saam 'n verskil. Indien enige navrae rakende klere, krisis en/of moontlike alternatiewe reëlins, kontak mevrou Corinda Sinden per e-pos by klerewinkel@laerskoolvillieria.co.za

Winkelure (Maandae – Vrydae): 7:00 – 9:00

(Tensy tye vir 'n spesifieke dag verander, sal dit vroegtydig aan u gekommunikeer word).

- **Klerebank/Tweedehandse klere**

Neem kennis dat ons nie meer 'n klerebank het met tweedehandse skoolklere wat daaglik te koop is by ons skool nie. Ons het slegs die Klerehub soos bogenoemde.

Indien ons skenkings van tweedehandse skoolklere kry, maak ons 'n datum aan u bekend per Nuusbrief wanneer die tweedehandse klere eenmalig uitgesit sal word om te koop vir belangstellende ouers.

VILLIES-NASKOOLSENTRUM

Let wel: In hierdie paragraaf praat ons slegs van ons huidige ingeskrewe Laerskool Villieria naskoolsentrum leerders.

Ons doen 'n beroep op ons naskoolouers se samewerking met hul naskoolleerders wat aan enige sport deelneem.

Die naskoolproses vir ons sportleerders by ons naskoolsentrum werk as volg:

- ✓ Al die naskoolleerders wat aan sport deelneem, tree na afloop van die sportoefening aan by die naaste boom by die groot hek in Ben Swartstraat aan die binnekant van die sportveld.
- ✓ Die leerders word dan eers by bogenoemde bymekaarkompunt afgemerkt voordat hul teruggebring word skoolterrein toe.
- ✓ Tydens wedstryddae sal daar elke 30 minute 'n naskoolpersoneellid by die bome wees om die leerders terug te bring skool toe.

BAIE BELANGRIK: Indien u, u kinder(ers) direk na die sportoefening of wedstryd kom oplaai, vra ons dat u asseblief die naskool in kennis sal stel. Dit sal baie help met die kontrole van die leerders.

COMMUNICATOR



Vir ons nuwe ouerhuise, neem kennis dat ons skool gebruik maak van die **blou** d6-Communicator wat op "Slim"fone, sowel as u rekenaar geïnstalleer kan word. Daaglikse gebeure volgens die kalender asook dringende boodskappe word gewoonlik daardeur gekommunikeer.

Volg die volgende stappe om die "Toep" af te laai:

Gaan na Google Playstore en soek na die d6-School Communicator.

Gaan na www.school-communicator.com/download.php en volg die instruksies vir installasie op u rekenaar.

GEDAGTE VIR DIE WEEK

'Een dag op 'n slag',
is al wat ons moet hanteer.
Ons kan nie terug gaan na
'gister' nie en ons kan nie
'môre' beheer nie.
So lewe vir 'VANDAG!'



Villiesgroete


A.J. GROBLER
HOOF

SIEN ASSEBLIEF BLADSYE AANGEHEG



2026

LAERSKOOL VILLIERIA DAGBOEK

Adverteer jou
besigheid en help
ons kinders om
'n gratis dagboekie
vir 2026 te ontvang

*Daar word 1350
boekies gedruk!*

Laerskool Villieria

100 JAAR



A5 (105 x 148)	R5500.00	OOP
A6 (105 x 148)	R2750.00	OOP
Strip (74 x 148)	R1850.00	OOP
Block (70 x 70)	R900.00	OOP

*Identity Signs & Graphics
Help GRATIS met
KUNSWERK!!!*

Dis weer tyd vir die skool se dagboek!
Navrae kontak asb vir Zoe

079 407 5863/zoe@idsigange.co.za

TOY FAIR Pretoria

DIECAST COLLECTION

1 NOV '25

1221 LAWSON AVENUE
WAVERLEY.

Time: 9:00 - 14:30

Place: ABREU'S



INFO: 067 760 3294



**New Coffee Trailer @ Valley Methodist Church
in the parking lot.**

**Come support them. They will be here
Monday – Friday at the church.**



MENU		
HOT DRINKS	SML LRG	
ESPRESSO	R25	R35
AMERICANO	R30	R35
CORTADO	R35	R40
CAPPUCCINO	R35	R40
FLAT WHITE	R40	R45
HOT CHOCOLATE		R45
WHITE HOT CHOCOLATE		R45
CHAI LATTE		R45
RED CAPPUCCINO		R45
ROOIBOS TEA		R20
COLD DRINKS		
WATER (STILL, SPARKLING)		R15
FREEZO (ESPRESSO, SYRUP, MILK, CRUSHED ICE)		R45
SODA		R20
ICED LATTE (ESPRESSO, ICE CUBES, MILK)		R35
EXTRA		
MILK ALTERNATIVE (ALMOND)		R10
SYRUPS (VANILLA, CARAMEL, HAZELNUT)		R10
EXTRA EXPRESSO SHOT		R10

Kontak:

Charlene @ 082 565 5362

Gerrit @ 073 249 6311

Dinsdae

06:45 – 07:15

LAERSKOOL VILLIERIA MANNE GEBEDSGROEP

Begin 29 Julie

573, 30stelaan, Kerkgebou



GOAL LINE NETBALL ACADEMY

PRESENTS

EXTRA NETBALL TRAINING



SPACES ARE LIMITED - SIGN UP NOW!

FRIDAYS

GRADE 3-5, 13:45-14:45

GRADE 6-7, 14:45-15:45

R650 PER TERM

INCLUDES 7 SESSIONS A TERM
AND 2 ACTION NETBALL MATCHES



FOR MORE INFORMATION:

Contact Joy van Zyl

083 292 7330

